



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五九一

南雪草堂詩鈔三卷首一卷 石 經 撰

一

藤蓋軒詩集二卷 吉 年 撰

二七

七經樓文鈔六卷 蔣湘南 撰

七七

春暉閣詩選六卷 蔣湘南 撰

三二七

嚴問樵雜著不分卷 嚴保庸 撰

二八七

味雪齋詩鈔八卷味雪齋文鈔十八卷（甲集十卷乙集八卷） 戴綱孫 撰

二九九

漱琴室存藁八卷（仰止編三卷說性一卷考禮一卷雜著一卷）

可也簡廬筆記一卷養恬齋筆記一卷 高驤雲 撰

五五五

篆枚堂詩存五卷附詞存一卷 夏 埏 撰

六八五

南雪草堂詩鈔

咸豐二年刊

序

南雪草堂詩鈔三卷亡友石君華九著。影春園先生
刪存之屬。旦序新會陳偉南水部遂仕。廷樞。且交。繁。如
三十年。夾江而居。各以衣食奔走。恆終。痛。墨。孟。見。其。事。
不久。聚。年。來。同。就。偉。南。館。校。讐。藏。書。昔。別。少。償。而。華。九
遽。爾。長。逝。西。望。頂。湖。墓。草。又。兩。閱。霜。露。夜。閣。寒。燈。人。海
孤。寄。每。憶。華。九。不。知。涕。之。何。從。也。華。九。生。於。粵。西。之。蒼
梧。十。餘。歲。乃。東。返。薄。田。數。畝。耕。且。讀。豚。欄。雞。棲。紡。磚。織
杆。橫。榻。叢。書。其。閒。吟。聲。出。戶。外。春。洲。先。生。偶。見。其。詩。驚
曰。里。中。未。嘗。有。是。人。也。即。乘。月。叩。門。訪。之。自。是。相。過。講

南雪草堂詩鈔卷首

十

論。嗜。古。日。益。篤。及。爲。詩。則。肺。腑。獨。寫。空。所。依。傍。創。見。駭
聞。時。形。諷。戒。道。光。癸。巳。江。大。漲。華。九。重。客。蒼。梧。歸。屋。圯
於。水。編。茅。隄。巔。洪。濤。撼。風。悲。號。澎。湃。與。嘯。歌。相。亂。所。作
尤。感。慨。淋。漓。直。摩。少。陵。之。壘。夫。悲。與。歡。違。抑。與。達。異。華
九。之。詩。悲。而。歡。抑。而。達。情。生。於。境。而。不。溺。於。境。是。能。止
其。流。持。其。變。可。以。固。窮。可。與。論。交。華。九。性。警。敏。而。意。度
豁。如。極。淺。落。時。諱。言。貧。或。笑。其。狂。生。華。九。乃。戲。取。麝。生
語。刻。小。印。嗜。酒。又。好。琴。惟。聞。人。談。時。藝。即。掩。耳。走。謂。凡
文。字。皆。有。比。興。不。但。詩。獨。此。無。之。所。以。卑。也。嘗。醉。語。旦
曰。吾。輩。不。能。軟。其。堅。頑。與。眾。逐。所。不。屑。得。之。利。勉。如。陶

淵明傾身營一飽舍吟詠無以自遣使造物厭其喧闐并此一飽奪之我亦不肯爲飽焦之槁立若子則溝壑耳蓋華九知旦之拙而自道其實如此今讀其詩益痛交深之言不復再聞矣嗟乎以華九之才窮老以歿其見於世者止此然世之不窮者何限知華九不願舍此而易彼也質之春洲先生必以爲信然咸豐二年冬同縣陳旦書於羊城寓舍

南雪草堂詩鈔卷首

二

文學石君墓誌銘

君諱經字華九父韜山翁寓家蒼梧以五月五日生君小字阿端年十六返鄉里父卒落落貧甚家人淡食不繼君讀書自如所居臨江多老樹叢竹暇輒坐堤石吟嘯未嘗詣人人亦不知有石生也里中少年投余詩數篇余覽覺有異詢訪乃得君君方爲童子師未久謝去貧益甚益讀書資糧百家涵泳脫化有所感觸則萌芽芒角吐不及遏挾兔園冊者至詆爲不通會蒼梧人聘之旣行水壞其居乘大漲歸視妻子危苦萬狀詩乃益奇後往來廣州數年昏嫁畢且抱孫矣在廣州遺余書言頗患噎旣而聞輿疾歸余走訊之臥榻遂永訣咸豐元年二月二十一日也先一歲客有談科舉事者君笑曰我止爲道光秀才耳蓋君以道光元年補縣學生意謂至是將循例自免也竟卒得年五十六葬頂湖支麓馬嘶山祖塋娶何氏繼娶陳氏所出子各一璿琨女適吳氏前出也余昔銘韜山翁墓書君相促之語今乃及君年事之不可知如此而余自顧所不可知者已益可知銘君宜勿緩其族世名氏具先碣君博雅好古而不樂舉業有用世才而不工委蛇厓隴非峻而渾渭太明未能引無懷寫天之民與居而心口太直有一於此皆

南雪草堂詩鈔卷首

三

必窮之道君實兼之如造物何甘抱其窮以長往造物亦如君何也銘曰

崔儵一室五千卷李白一日三百杯遊化人宮精靈再來來飄然世不識飄然去挽不得魂無不之歸者魄終古寒山一片石

同縣彭泰來議

南雪草堂詩鈔卷首

四

南雪草堂詩鈔目錄

卷一

古近體詩五十三首

卷二

古近體詩六十九首

卷三

古近體詩五十三首

南雪草堂詩鈔卷首

五

南雪草堂詩鈔卷一

高要 石鏡 華九

月節田家詩

元辰會鄰里好語傳豐年覆穀祈靈神春上排穀十二粒覆以盆元旦以次視穀有蟲動處則其月穀貴雨陽定時若稷稻祝

十千飽食去年粟力耕今年田屠蘇飲老稚笑語交盤

楚南土凍易消相將事南阡正月

春物風以風春雨膏如膏澁池泣北流臺笠先東臯淫

田積潦深大禾如蠟毛大禾以正二月下種十月獲宜宿田禾隨水長有至文餘者

但藉耕牛力而無秧馬勞稍施胼胝勤坐使倉廩高功

南雪草堂詩鈔卷一

逸利自倍飽飯無遊遨二月

邨烟起林薄布穀歡新聲早插望早熟言鳥語催人情

曉望聚東菑午饑徧西塍秧針已綠暗雨脚過清明老

父田中來攜抱兼孩嬰指揮大樹下絮絮談陰晴三月

孟夏爲之月穀盡麥未登暑候先南方邨瓜已滿棚種

瓜防蜂螫種苗忌蝗螟山歌過采茶田歌又可聽四鄰

具雞黍共祝牛神靈俗以二月八日爲牛神靈牛豐羣與芻人足

稻與稷二月

飲牛下清溪溪漲喧中流前年五月時桔槔聲不休今

年牛背笛處處歌咿嚶牽牛繫樹旁荷蓀來耘耨嘉穀

日以秀蒲稗日以抽吏胥方追呼早白穀名已滿晴五月

六月收早造鄉語穀一熟日一造邨巷無居人豈不苦炎熱及時

計倉囤朝看粟垂垂暮見水鄰鄰中婦頗能家黍肉開

清樽解衣古榕下濯足清溪濱一醉乘晚涼行復事畦

畇六月

未明炊糲飯婦子相招邀蓐食催早餐打秧栽晚苗赤

日曬當頭渴水澆及腰鄰叟在隔隴共事趨崇朝舉頭

謝鄰叟卜口無餘饒爾我身命薄但期風雨調七月

秋天一夜雨新苗滋勃然農務亦稍暇收芋出中田根

深飢土脈葉大如湖運掘取其魁歸終朝盈一肩加餐

南雪草堂詩鈔卷一

佐黍稌和粳羹肥鮮慎勿棄其小儲種待來年八月

西風吹百草秋氣肅而霜閨中急刀尺清夜縫衣裳裡

褐思徂年衣食同一忙連邨築場圃庶務先助勸田家

未庠縛官家已修倉有秋且自歡滿眼黃雲黃九月

晨起厲屨鏤溪澗水漸漸寒衣涉溪水曉凍皴雙眉罷

亞被中原刈穫當及茲村童挈筐拾穗收殘穡無力

以相周旋能惜其遺富貴彼何人九族待舉炊十月

登場亦已畢官租亦已輸連村互婚嫁酒醴吹笙竿晚

景望子孫他年守田廬各知稼穡難行使老大娛冬收

日且集蔬茹之類謂之冬收終年無曠土瓜果盈盤孟新婦廚中來低

頭立座隅十一月

農不知苗碩於諺則有之不謂今年冬強勝去年時知
足自不辱豈款無常期黃冠崇野祭臘鼓趨羣兒醺酒
欣報賽大眾前致辭願得歲常登不用麥兩岐十二月
柳

半畝荒園綠已勻梅條夾桼幾經春燕臺舊夢少年叔
栗里醉眠何許人入眼乍迴雙燕影前生原是百花身
倚風臨水柴門靜莫逐香驄紫陌塵

五日示諸生

去年五日時家宴烹野菽是日子今年五日時歲羹饌

南雪草堂詩鈔卷一

三

空屋去年悲歡感代謝時節迫幽獨兒癡常自隨女弱

還寄育食貧有餘困在客憂俯畜因之念高堂生我幾

顧復良辰滋涕淚何以薦蔬菽靜樹傷驚離鴻眷西

陸家兄客廣西且入歲回首望家園天桃雜叢竹韶華一顧盼零

落到草木亡妻手植桃二株于叢竹中昨大風雨實盡落諸子共言歡嘉肴

酌醺醪零愁潘岳歎幻想孟嘗福猶有露車隨莫但牛

衣哭強飲謝諸子及時且徵逐

記夢

顧影來何暮嫋嫋出洞房殷勤小兒女顚顚故衣裳四

壁貧如舊三生恨已長綈帷有落月黯淡照流黃

醉歌

滔滔去盡幾千古抱膝郊居長閉戶已將哀樂感年華
況復支離謝徒侶酒酣耳熱縱吟嘯有似急弦被危柱
兒童拍手阿婦嘖米盡何須作詩苦幡然自笑果癡絕
誰使鸞雛憎腐鼠儒冠紈袴不相借飯顆詩城得兼取
非墨磨人人自磨十年一劍磨奈何長鉞門庭足雞狗
大樽江海愁風波

未麗詞

的的幽姿稱淡粧悄無人處晚風涼碧紗夜靜不成寐

殘月一痕何處香

南雪草堂詩鈔卷一

四

露苞穿得絲絲長雲鬢新盤一串香背影銀釭明復暗

懊儂偏是小南強

悲歌

男兒生不成名身已老杜寂寂荒山貌枯槁破屋漏星

春夜長醒臥牛衣悵晴昊飢寒困人能幾時明朝作計

謀朝炊奇情幻想忽入夢咄咄空庭發嘲弄嗚呼東西

南北路悠悠豈無王良伯樂知驂騑

拔劍出門去不顧燕趙悲歌日將暮市中屠狗自有人

臺上黃金復何處昂藏七尺走風塵眼前誰是平原君

荒田數畝長荆棘得不歸來重苦辛

去年祈雨龍長眠今年祈晴魚上田踏車轆轤翻水出
禾生未省識朝日前邨催租行捉人秧田空見水粼粼
更嘆不敢放聲哭沿村乞貸禾花穀禾始花時富人預以半價賤糶名曰放禾

花穀富家倍息收千箱喜聽米價朝朝翔

遊閑公子愈熾膏煮海通商累千億高車大馬工持籌
後騎小奴狐白裘大官密諭輸邊餉卜式行封關內侯
我生有命食破硯富能貴人人自羨夜深恐有鬼椰榆
不如且覓魚中書

望蓬萊兮海之中羽衣翩翩駕飛龍不死之藥倘可致
脫卻青衫從赤松幾年金骨鍊綠髓轉眼白日凌蒼宮

南雪草堂詩鈔卷一

五

塵心卻苦俗緣重辟穀空山枉飢凍君不見古人白骨
生青苔秦皇漢武安在哉

時乎時乎奈何良宵惻惻哀情多西江之水繞戶外
升斗不借繫其那且調急管行悲歌歌聲徹楚人雲去
四山多風雷吼怒庾郎畦韭春已深目斷天涯無著處
歸來歸來莫再誤

梨花

一夢忽忽喚作雲淡烟輕鎖碧紗帶甯王角裏傷心曲
散入東風月下聞

苦雨

半月陰雲潤柱礎半月愁霖滯庭宇天公號令寢不行
雷公砰訇恣吼怒田家望望氣欲盡簾衣暗蝕粳生苗
方春不雨坐龍幄入夏久雨龍何忍低田納廢生旋渦
高田上水揚洪波田中有魚深莫得人食魚魚食禾
勸農使者不肯來官租日日煩征催沿村冒雨苦須索
且脫布袴供盤杯我欲有言言不得剝肉醫瘡詎會惜
新絲新穀付滂沱何時始報災荒策

舟中聞鷓鴣

亦知行不得客路且邁征魂爾林木性憐子江漢情寒
雲低遠樹落日背孤城回首經過處閒鷓鴣帖水明

南雪草堂詩鈔卷一

木

秋夜雜感四首

客夜正淒絕中庭月自圓孤花寒蝶夢止水動鮠桓身
賤才華拙途窮禮貌寬江湖秋色滿誰借一枝安
征鴻來不斷萬戶急清砧留滯炎涼改蹉跎歲月深長
途悲老馬古意動青琴堪嘆傭書客依依非素心
孤枕難爲寐寒鐙對影親功名成畫餅身世託勞薪落
木中宵警曉烏徹曉頻明朝清鏡裏應覺鬢霜新
故我今猶昔閒愁去復來長空秋鶴迥古廟曉鐘催書
自百城擁人誰三徑開宵深發高詠遙韻共清哀
伍顛夜訪不遇

逍遙散漫兩無著君如閒雲我如鶴深夜雲來鶴不知
雲去鶴歸空寂冥清夜沈沈燈欲暗新河皎皎霜初落
林梢缺月吐微明照見行人淫芒屬我時枯坐眠不得
恍惚門前猶剝啄青春舊雨嘆睽違白首知交亦不數
會須低頭拜東野上下雲龍共竿攫剡溪清興若重來
白酒黃花供一嚼

秋夜與梁蘇門話舊

前輩飛騰餘綺麗鄴中江左後難繼光陰月露自往來
交到無情皆客慧誦君仙湖湖水曲撫節奏青真絕諱
重城秋老鎖新愁曲巷燈寒溼輕袂當時結習苦未盡

南雪草堂詩鈔卷一

七

強道相逢是冥契十年昭諫未成名一賦樊川且留滯
坦率歸來歲月晚寒衾夜擁霜風厲春風花開秋葉零
芙蓉冷落江無際崔微有淚不成畫通德無言只擁髻
緜愁一紙字不磨空悵浮萍失根蒂清宵話舊忽如夢
頗識三生是何世人閒有累不可住苦海無緣得共濟
祇今白眼困風塵翻悔青蛾識書記鍾情我輩亦自古
物色非常難可計齋心木石吳兒老撒手寶花天女戲
爲君重寫斷腸聲仙湖回首成平地
龍華寺別陳愚谷羅玉符舟中卻寄

山寺別故人薄暮一舟發風微檣燕過水急櫓鴉軋圓

沙暗烟霧側岸亂鵝鴨中流一回回首古木失層剎短蓬
眠殭鸞秋芳那容插玉符折木芙蓉一枝贈行平生怯路歧此夕警
霜殺寒燈辨荒驛黑影立危墻孤城漏已深獨夜氣先
壓卻憶山中人松蘿掩幽闥闌鹿鹿我自忙營營世逾狹
但慕龐公賢莫效韓子點作詩遙相寄空外期一答
至家

飢來驅人走百里攜兒遠還今至止傾囊倒篋盡殘編
寒衣未補霜風起鄰兒候門索棗栗安知我歸無長物
區區有願不可酬九族炊烟待誰恤山妻破笑勸加飯
弱女隨嬈髮垂鬢鹿門深處足耕桑遠道歸來腳須軟

南雪草堂詩鈔卷一

八

守歲

鹽水光陰去欲盡吾舌雖存謝不敏年年歲歲一牀書
有似黃金擲虛牝老屋風來簷瓦鳴兒童熟睡呼不應
山妻絮語祝如願老子窺樽思解醒頻年持家賴龜勉
御窮何憂足村醪酒酣隱耳聲隆隆爆竹連村春近遠
客館寄陳扶初并東葉春園二月十五日作

太皞行春春不倦鼓盪元氣交網緼春華轉瞬忽已半
屈指知是花生辰情騰客夢聒曉鳥指拭老眼看朝曦
扶桑西枝滯宿霧柯山北望羣長雪柯山山外淥溪水
家園極目花續紛溪南道人好事者柔風韶景詩清新

亟過東村散遊屐紅梅照眼融心神

春園家紅梅以是月始花

主人

雅量肯相借吾子嘯傲歡不嗔恩恩一載又離索

春園去年

客賓百及還寂寂孤館仍清貧吾徒坎壈諒有數過眼

予又外出

景物皆前因盤中苜蓿且煬竈案上簡牘噉粃薪一花

一草究何有土屋但見蒼苔紋今朝早起正無賴草草

聊爾開清樽酒酣忽覺百憂失作詩一笑嬉青春

春夢

天外愁心千疊山江花江草自爛斑惺忪過雨留仙乍

淡蕩生春得句慳大地一身輕似葉五更千念轉如環

誰知載酒東坡老不待言詮意盡刪

南雪草堂詩鈔卷一

九

羅浮萬壽藤杖歌

浮山東來西博羅連峰洶湧隨傾波巨靈挽合恐崩拆

老藤橫互山之阿五丁神斧斫不斷要與地勢撐峴峨

朱明老人竊天巧餘條作杖頻摩挲雲霞糾縷出光怪

鱗爪錯落交枝柯四百峰頭偶游戲空際一擲同飛梭

靈光照眼忽拾得赤鞭尙恐遺義和仙人持贈意不易

太古風雨生無多一枝入手健腰腳千山仗汝窮烟蘿

鬼神雖欲負險奪龍性天矯誰敢何吾聞龍葱之竹產

絕異九霄鸞鳳來婆娑人閒空拾二丈篲豈如此杖堅

不磨又聞丹竈之磚有遺出詞客好異供吟哦神仙糟

相僅一笑豈如此杖堪逶迤嗚呼汝藤字萬壽依倚歷

劫期無從行尋南嶽訪佐命日與麻姑玉女相邂逅

刺桐花歌

斷霞半空烘晚春刺桐剪刻煩花神野人見慣謾不省

云是木棉餘後塵年年開遍東西鄰比似望杏情更殷

新時視此是誰好事說豐歉無乃臆度傷天仁

時適久旱或以

此花爲歲

況聞朱崖歲功勤連村敗葉堆陳因自來禾

其葉實田

譜寫不到土人物地土化新

情田歌未起茶歌了杜鵑夜嘯漬深碧扶桑朝暾肅清

曉天真不解門鉛華無處江邨無此花自然物候發光

耀豈受旱魃相凌夸天公例賜三尺雨明朝落葉沾泥

沙

贈李花農

說劍竟終久感時君奈何去尋屠狗輩慎勿據梧歌我

昔輕餘子今還嘆逝波舌耕甘苜蓿空負口懸河

題野人園林

陸隱者誰子白雲長與畱名園開一角曲沼入微流麋

鹿有本性林泉資勝遊因君得幽趣貧起買山謀

塞馬

骨老鋒稜峻邊寒草木腴頻嘶霜雪警真覺死生依惠

養昔知重驍騰今豈非長城多血窟贈燈立斜暉

塞鴻

黃沙一萬里極目見飛鴻非爾發清怨安知傷斷蓬

雲當落日帶葉下秋風慎勿援弓繳孤臣在澤中

秋聲

帝子淡夷猶瀟湘水不流余懷渺天末孤艇入江秋

落葉見楓岸夕陽明舵樓歸裝竟何有載得古今愁

秋屋

斗室容高臥青天首自搔商聲出金石孤夢滯蓬蒿

已清秋改心徒廣廈勞問奇誰詣汝荒徑暮蟲號

南雪草堂詩鈔卷一

七

夜坐懷人悵然不寐賦長句一首

寒鐙浙浙打窗雨落葉驚風亂幽語中年哀樂足悲歌

惆悵懷人不知曙浮生泛梗何足論寸心千古平生親

湖海元龍氣深濶青山偃蹇惟斯人彭春手開三徑延

羊仲伯樂能令驚駘重羣欺大樹笑蚍蜉獨立青冥翥

鸞鳳酸鹹嗜好誰與同陳君扶清峻綠詩窮掃除月露

得真諦五字未許偏師攻興來共過村東葉春說經塵

塵舌鋒捷被墨磨人渠餐青居貧亦病我心懾二君披

雪得水鏡謂溫目擊道存欣賞懷霖雨何人過子桑市

中歌哭神揚揚苦嫌塵土泥雙腳去踏滄溟遊人荒

如一別竟屋梁月落影蕭索夢中似晤張元伯陳秋傷

心爲賦脊令原那堪笛怨山陽宅孔璋不作元瑜逝書

記翩翩枉多藝梁祇今宿草廢空悲倘憶人閒是何

世死別生離歲月道陸子柳春來更遠遊嶺雲望斷長

天末鄉心應逐西江流康州談君雪古君子瘦骨珊珊

足經史去歲西園翦燭吟驚人詞句感知音去年七月

西園遺蹟風賦詩雪溪有無家同適春星離雨散今何在

相思幾處心世味年來冷於雪恥將肝膽向人說蛭

蘇合徒紛紛紅火色鳶肩困羈縲水國新秋又明日過

年華苦飄瞥空教宋玉解招魂生恐虞翻恨疏節廬山

南雪草堂詩鈔卷一

七

不起信堪仰春富貴浮雲眞一呷雲間星漢

曉微茫輾轉煩憂有時輟

初秋之郡遇蘇廣堂朴仙二君從後船來將訪愚谷王

符於興元寺風檣中甫一交語相失已遠越數日夜遇

興元寺二君未去各已有詩次韻二首

扁舟逢故人蒲帆挂江秋推蓬一交語風利增煩憂鼓

櫂覓餘音已過圓沙洲雲影入歸鶴驚波失輕鷗回頭

見古塢樹杪蒼尖浮落日孤城深寒鐙小庭幽身世苦

多役空憶東林遊

翩翩葛巾淨皎皎河漢秋散步踏江水伊人消我憂清

襟寄蘭若香草舉芳洲叩門吠村尨軟語驚沙鷗雅興
復不淺石鼎茶烟浮愧我非彌明安能門奇幽古觀悟
幻泡清景宜臥遊

李菊裳見賀生子用東坡岐亭詩韻因和

酒人屢夢飲春甕瀝餘汁偶復一醉歡自覺枯腸涇太

歲故在酉酒自乞漿得云胡陶公饒慰情爾許急

子徒薄酒慰情強浮白原詩有愧

句用陶詩弱女非男意鄉風餘鄙諺安知雞與鴨俗以男

宴客日無酒因轉謂生女曰鴨酒今朝桑弧設詎有絳綃幕又作厲之

人夜半火光赤參軍賢新婦會當夢太白他時過阿戎

兩小髮不幘卻恐王霸子蓬頭見人泣此事當笑遣此

南雪草堂詩鈔卷一

圭

理固無缺幾年爲人父閱世一過客勤買拋青春南樓

輿已集

附原詩

賀石佳田生子用東坡岐亭詩韻

苦渴不獲飲見人啖蔗汁蔗非在我口已覺流涎涇

似續望子渴甚於飲欲得當其未得時眼穿心愈急

一朝快宿願如放受籠鴨隔院送添丁戚里貽錦翼

可有素心人爲饋赤鯉赤愧子徒薄酒慰情強浮白

酒明詩弱女雖非男意清良勝無子時未有子故云

如子醉顏酡羨子喜墮幘

百里恰初歸正值呱呱泣房中奏新樂定擊唾壺缺

何時坐銀簾湯餅會眾客肯使卿有功闕堂一笑集
張文獻公畫像二十韻

大道伴伊呂南州夙德昌精神留百世風度越三唐素

鶴盤空迴精金出璞良驍騰天路永補闕小臣光感遇

初潛邸宣猷更玉堂張韓齊德業燕許但文章建議誅

莊賈安儲仗子房天池忽擢鼉碣石遂射狼膽爲櫻鱗

苦心尤枕塊傷一麾行出守百折鍊彌剛魏闕空延頸

詞曹昔擅場孤標凌鮑謝綺語薄齊梁晚節紉蘭桂寥

天失鳳皇徒薪功已錄覆餗恨偏長五楨還祠廟中原

幾禍殃勳名昭史冊雲海遞星霜誰貌丹青古來歆俎

南雪草堂詩鈔卷一

古

豆香中聲思正始偉烈啓炎方想像新眉宇瞻維舊梓

桑何須頻鑄鐵故里足緣綳

玉符招同春洲先生傳玉舟游龍華寺訪何星查蘇芻

山

狂歌上危峽深夜踏清湍古瓦雨聲重佛燈人影寒杯

長諸子共晝短昔賢歎身後名何似江流正渺漫

小除夕寄扶初春圖

謀身不繼腐儒餐憂患傷人逼歲殘應有關心孔文舉

北風吹夢大江寒

南雪草堂詩鈔卷一終

南雪草堂詩鈔卷二

高要 石經 華九

封川縣

官舍臨城峻城樓壓水低一門爭出入無路辨東西屠肆標期早田家趁市齊縣官何所事堂上課耕犁入封川江

風景殊鄉縣江行深復深神祠雄小聚鳥語誤方音竹密疑無路溪迴更入林西征定何許船尾夕陽沈泊大洲汎

今日清江裏維舟日正晡葉棚臨岸出茅屋繞林迂釋

南雪草堂詩鈔卷二

一

相逢耕婦歸途笑弄雛田園如可託得不念荒蕪

糴米

沿村行索糴旅況迫他鄉此地農多積前途價忽昂食

聞開礦聚役竟泛舟妨聞賀縣知縣開礦一旦集數萬人米穀貴遂禁穀船不得出江

殷鑒前朝在鄰飢況孔張吾鄉兩歲不登仰糴廣西

買魚

隔岸呼漁子尋聲出蓼花全家依舴艋索米換魚鰕交

易風猶古烟波生有涯如何遠行客蝸角鬥年華

沽酒

酹得草店白酒滿簣土人截竹筒載酒落日照孤酌青春

辭故鄉鄰兒褐父晚老子聖人狂豈有公榮在還須戒

寄懷春洲先生

江鄉山水酣春色暢好花朝是寒食想見先生眼獨明靜看孤花養深碧先生高臥安時論賤子西行困驅迫一半春從客裏過千山路向夢中識驚心節物竹窗冷極目郊原紙錢白野棠的皪叢叢紅社宇淒迷叫魂魄蒼梧雲望天濛濛牀牀浩浩江流東何處溪山著賀老當時牀下拜龐公去人天未九疑雨別日江頭五夜風青春對酒應思我戢翼天邊傷斷鴻

南雪草堂詩鈔卷二

二

客館得陸垌野因問

舊是懷君地羈棲轉哭君君嘗客此余衣坐懷人詩及之離愁猶昔昔

天道竟云云一掬論交淚他時歎逝文西華應有託古

誼望殷勤諸君同里諸子

飲山家

燒筍烹葵老瓦盆山居疑是古桃源主人勸客休辭醉

除卻君來常閉門

溪漲

早起怯衣單溪聲急到門吞空稻苗沒齧岸竹根翻遠樹留雲黯垂虹吸水渾東人怖西潦徙倚望朝暉

夕漲聲逾悍人居野寺荒飛蟲狎短檠吹蛤迫長廊村
酒膏騰醉山魃窈窕妝冥心絕諸妄中夜起徬徨
漲甚自蒼梧歸述感四首

千山走亂雲五月溪屢漲客居自高敞窗戶入湜漾盈

澗似可待旦夕云未妨溪每漲一日夜即退遽爲杞人憂或笑公

沙妄側聞梧州城萬瓦悉漂蕩乾隆兩閩逢甲辰甲寅俱大水

視彼勢尤張三江此噴薄萬里倏奔放家鄉實鄰壑那

得固隄防連天況愁霖積水無盡藏經月斷行舟兩地

各弦望有如樊中雉得食神不王不待消息來早已情

懷愴安得生羽翰擊波逝東向

南雪草堂詩鈔卷二

三

解纜西江西維時六月六來經十程餘歸計三日足波

橫失灘險船高詫岸縮小江接大江涇渭異清濁一望

入浩瀚寸心自蹴蹙郵亭露屋山旅棹妨抵觸倏如駭

蒼坡居者猱升木懷裏已漸緩瘡痍固未復回思二旬

來恍聽萬家哭龜山望郡郭稍稍見平陸關吏呼不起

坦臥睡其腹連檣泊岸候向午未申屬飽橐始放行舟

子怒以目矜羊咽眾流狀牂啞一束早知建瓴疾轉怯

近鄉速風波謝安穩宇宙尙慘驪大隄列萬竈何處問

居屋維舟翻百憂進退實維谷

鄉鄰見我至隄上驚相看未及道辛苦爲我呼阿津呼

爺牽衣行行顧我言語語不離嬰共哥同拾磚阿姊
竹牀下地鼃吹溼薪晚食飯非粥兼有魚佐餐山妻顧
之笑汝幸魚不吞驚定一解顏相對慶生存短蓬忽打

頭破板不庇身老榕蔭其上枯葦爲之藩以此護諸雛

苦汝行兼旬兼旬詎足計四壁今不完驚鵲辭故巢卑

枝難久安更及始崩決語罷傷我魂久坐四鄰寂仰見

星宿繁四海盡橫流一命何述遺已墮孟敏甌行推王

尼轅

村樹泥痕高邨路石齒齒低處尙淖淖舉足輒傷趾頽

垣漬蟻不隙處露蛇尾歸壑諒有然反宅究何似平生

南雪草堂詩鈔卷二

四

所愛梅柴立眾枯裏芙蓉亦半萎僅後蘭蕙死野棠雜

叢蓼交蔓獨施靡行行刺心目十步數徙倚清風吹竹

林驚波忽在耳因之吾喪吾那計彼正彼頓思遺世累

抗跡無終始先人首邱在賤子安得委拮据誠勞勞版

築歌此俛室求容膝安牆但及肩止榮悴皆遽廬華屋

亦何恃一枝取自足萬事付流水

鄉人言救隄時租吏猶在門俄頃隄決始踉蹌而走

畚鍤晨出門驀逢催租吏徒侶八九人倉卒不得避吏

呼一何怒汝隄今尙完鄰隄已盡決誰我供盤餐勿以

水怖儂捉將官裏去水勢有時殺官征那得悞陷危在

頃刻束手誰敢何馮夷忽震怒裂地揚洪波人吏兩蒼黃抱頭各鼠竄拔去眼前釘漂出溝中斷痛定復恩痛此語真難陳誰歟采詩者爲汝空沾巾

水復至三首

清晨課兒拾瓦礫晚收桑榆種宿麥村人喧言水復生昨日二尺夜三尺釋鋤上隄一延佇疾風驅雲壓水脊黃是濤頭白雨腳千艘萬艘俱辟易破蓬飄轉障不得隄上居人喪魂魄我曾補苴未雨先暫得支持強相敵從朝薄暮聽滂沱天未厭禍人奈何雨師河伯共馳突空積蘆灰談女媧

南雪草堂詩鈔卷二

五

我生愛作江湖客江湖滿地轉悽惻眼看撒子潦後種播而不者咬江魚網得魚歸長歎吁小兒食魚詫魚美不管門前上江水欲上未上水氣涼穿籬排闥旋升堂人家尙有屋上屋我獨空支牀上牀平時桃梗笑土偶可能慮作大樽否滔滔一月兩桑滄此鄉真乃無何有波臣得永爭夷猶揚髻鼓鼙輕潛虬忘卻當時涸轍下哀哀乞貧監河侯

牀牀屋漏縣釜炊一屋涇烟朝不飛雨聲乍歇水痕沒水影倒搖檐溜垂上牀食罷日亭午甯檐一桁晞溼衣非巢非窟我自笑水上何以能棲遲會當作宅更爽塏

買田種秫躬耘耔儒生福命例所靳區區或荷皇天慈皇天喜怒不可測屢母焚輪水皆立牀前便作海茫茫天外全鋪雲巖巖雲中曉閃鬼神出密雨斜飛萬弩疾嗚呼一夕之安尙如此遑更飢寒念明日

卽事絕句

五兩飄搖畫舫憑視災官吏到相仍傷心蕩析承恩澤羅得桃花米五升坡屋人給銀一錢三合

飲酒寄扶初

扶初十年前每夕必過我當時初識君謂我與言可爾來各居貧兩兩生計左葉君京華客寄書慰軫軻是時

南雪草堂詩鈔卷二

六

我語君相與慕靈瓊君言取途異竭蹶恐難果亦惟疏骨節未解習婀娜以此又二年日恆不舉火今年藉館穀差覺心計大強力赴時趣謂亦能頗頗陽侯縱狂瀾不福反見禍持此還問君君應一笑嗟近聞葉君瘦勳名豈勝荷不如飲美酒無事炙其輶先生噓嗑睡二豪若螺贏

德慶道中

半日舟行十里程石尤風起趁揚舲江雲西走水東下矯首蒼梧天地青

舟中聞景福隄決隄附郭障峽之上流決則繞出峽背缺下隄益不可支時七月二十日云

一角孤城控上游長隄版鋪夏兼秋傷心處號形空附

五月峽下不道荆凡勢亦倖最屬排山穿窟窺羚羊無

者堤先決地鎖咽喉客愁家患揀雙鬟進入狂濤未破舟

前數日覆

九日

地僻重陽日年荒倦客心高風吹鬢短落日促杯深驚

馬企長道哀鴻流遠音家山有萸菊千里盼清吟

寄玉符

茅檐響瑟窳秋意定如何似昔山鐘夜蕭然風葉多天

長傷老大歲歉病維摩

玉符詩思

君到重陽日曾誰共

南雪車堂詩鈔卷二

七

醉歌

日午

欹枕攤書睡不成竹窗苦茗暖秋晴獼奴阿段尋源去

膈膊鳴雞屋上行

不寐

庭草蕭疏葉半乾清宵的的露初溥客衣未補夜長甚

涼月窺窗竹數竿

對月

千里閨中月他鄉照獨眠如何明鏡影漸似馬蹏圓

重至梧州雜感

蒲帆高趁晚關時一片孤城入翠微唱徹鷓鴣斑竹外

虞祠落日上征衣

萬屋鱗鱗起暮烟窗燈搖兀向江邊一絲清夢空來往

正是團圓月在天

此生蹤跡託飛鴻皇覽揆予西復東客邊一掬傷心淚

不獨羊曇爲謝公

總角趨庭劇可憐小裁逢掖稱翩翩豈知邾上王文度

鬢影蕭疏廿一年

逢人猶解作方音行邁遲遲思不禁卻怕鄰家門戶改

當時一帶市垣深

南雪車堂詩鈔卷二

八

意氣由來少小真城西學舍足悲辛無端解慕孫賓石

重過邠鄉宿草新

友人胡健以事觸累

銅鼓巖前水一灣嵌空石鏡照潺湲祇今神物歸何處

不與勞人認故顏

巖在城北三里許

白鶴孤飛竟不歸隔江城郭對斜暉殘脂賸馥江流斷

坐對松杉大十圍

白鶴觀在隔江山麓其下

東城楊柳始成絲竹馬頻來弄弱枝垂老桓公倍惆悵

婆娑難問舊腰肢

離江清駛接潯江潮信東來勢益降

西江潮至梧州而止

恩問行路更添離恨付奔龍